

Istrasë naporinso'

Siro copirno camaitërinso'

1 (Cotioro'sa Quirosarin quëran quëpapiso', nani canchisë shonca pi'ipi pochin nanirin. Papironia no'pa-quëso' Napocotono piquëran, nisha nisha copirnorosari hua'anëntërin. Papironiaro'sa minsërahuatona', Mitia, Pirsia, inapita copirnorosari, hua'anëntaantapi. Napoin quëran Siro itopiso' copirno ya'coantarin.)

¹Pirsia copirno Siro itopiso', a'na pi'ipira hua'anëntarin. Naporosari Irimiasë quëran Siniro sha'huirinso' nanicaso marë', Siroso nanan a'parin. Ya'ipi hua'anëntërinquë nitotacaiso marë' iso pochin ninshitahuaton a'parin:

²“Caso Siroco. Pirsia copirnoco ni'to, napotaranquëma'. Sinirososari Yosë ni'ton, inápaquë hua'anëntërin. Ina acorinco nisha nisha naciono'sa hua'anënta'huaso marë'. Camairinco ni'ton, Quirosarinquë ina chinotacaso pëi anitarahuë. Inaso ninano', Cota parti ya'huërin. ³Napoaton Siniro piyapinëinquëma nipatama', paco'. Paatoma ina chinotacaso pëi', Quirosarinquë nicontaco'. Sinirososari Yosënëma ni'ton, catahuarinquëma pëinën nitamaso'. Inaso' Yosë, Quirosarinquë ya'huërin. ⁴Inpitasona ina piyapi nipachina', niyacapapisopitari catahuain: Prata, oro, ma'sha, pë'tahua, inapita quëran catahuaina'. Inahuara nohuanton Yosë chinotacaso pëi nicacaiso marë' ma'sha yaacohuachinanta', acoina'. Inaso' pëi Quirosarinquë ya'huëapon,” tënin.

Quirosarinquë huënantapiso'

⁵Ina nitotatona Cota huënton hua'ano'sa', Mincamin huënton hua'ano'sa', corto hua'ano'sa', nihuiro'sa', inapitaso yonquipi panantacaiso'. Siniro chinotacaso pëi Quirosarinquë yaanoyataantapi. Siniro nohuanton ina pochin yonquiatona', tapatapi huachi. ⁶Ina nicatona niyacapapisopitari prata, oro, ma'sha pa'ton nininsopita, pë'tahua, inapita quëran catahuapi. Naporahuaton inahuara nohuanton Yosë chinotacaso pëi nicacaiso marë' nani ma'sha acopi. ⁷Siniro chinotacaso pëiquë nisha nisha ma'sha ohuarapiso' iráca ya'huërin. Ya'huëpirinhuë', Napocotonori Quirosarin quëran ocoirahuaton, mamanshinënpita moshapiquë acoonin. Siro copirnorosari inapita ayantaantarin. ⁸Ayantohuachina, Mitritatisë itopisorosari ma'parin. Inaso', pa'ton nininsopita tapana'pi hua'an. Inari ya'ipi pichisahuaton, Sispasaro hua'an quëtërin. Inaso', Cota huënton hua'an. ⁹⁻¹¹Isonápo ma'sharosari ohuarapisopita pichipiso ya'huërin: Cara shonca tasono'sa oro quëran nininso'. Huaranca tasono'sa prata quëran nininso'. Cato shonca iscon cosoroa'hua. Cara shonca posicho oro quëran. Catapini pasa shonca posicho prata quëran. Huaranca ma'shanta nisha nisha nipisopita. Inapitaso' ya'ipiya quëran a'natërápo huaranca catapini pasa icanin. Ya'ipi inapita Sispasarosari ma'patahuaton, Quirosarinquë quëpanantarin.

Sinioro chinotaantapiso'

3 (Israiro'saso huë'sápatona', ya'huë-piquë canquipi. Canquirahuatona', nisha nisha ninanoro'saquë ya'huëcaiso marë' yanquëëpi.)

¹Pascoa yoqui quëran canchisë yoqui nanihuachina, israiro'saso imënamëa'-huaro'sa pita na'huëpi. Naporo' yoquiquë ya'huëpi quëran huë'sahuatona', Quirosarinquë niyontonpi. Ya'ipiya quëran niyontonpi co pahuanpihuë'. ²Naporo' corto hua'anso', Cosoi itopi. Inaso pa'pin, Cosata itopi. Saratiro hui'nin Soropapiro itopisonta hua'an ya'conin. Ina cato hua'ano'sa quëmopinënpitarë

chachin Sinioro chinotacaiso marë' artaro nipi. Iráca Moisésëso' Sinioro piyapinën ni'ton, pënëntaton ninshitérin. Ina camaitërinso chachin ma'sha tëpatona', oshanëna marë' inaquë ya'ipi ahuiquitopi. ³Naporo' artaro nicapona', noyá acochanpi. Inaquë ya'huëantapi-sopita të'huatatona', ina pochin acopi. Inapoatona nani tashiramiachin nani i'huaraya ma'sha tëpapiso', Sinioro chinotacaiso marë' ya'ipi ahuiquitopi. ⁴Naporahuaton pënëntërinso' quiricaquë camaitërinso chachin, imënamëa'-huaro'sa pita na'huëpi. Ina pitaquënta nani tahuëri ma'sharo'sa tëpatona', oshanëna marë' ya'ipi ahuiquitopi.



Onposona nani tahuëri ahuiquitacaiso camaitërinso chachin nipi. ⁵Nani tahuëri oshanëna marë' ahuiquitahuatona', nani yoquia'huarai' pitaquënta inapopi. Nisha nisha Siniro marë' pita na'huëcaiso ya'huërinquënta', inapopi. Inaquë chachin inahuara nohuanton Siniro ma'sha quëshihuachinara, ahuiquitopi. ⁶Naporo' yoqui ya'natiirinso tahuëri quëran huarë', oshanëna marë' ma'sha tëpapiso' ya'ipi ahuiquitacaiso caniaritopi. Siniro chinotacaso pëi' co nishátëraponaraihuë', artaronën nipiquë inapotopi. ⁷Ina quëran pëina'piro'sa', nontë camayoro'sa', inapita pahuërëpi. Cosharo', huino, toma', inapitanta Tiro piyapiro'sa quëtopi. Siton piyapiro'santa inapotopi. Inapitaso' Nipano motopi quëran nonara ocoiatona', marë quëpatomacaiso' camaipi ni'ton, inapotopi. Siro copirno camaitërinso chachin nipi.

Siniro chinotacaso pëi niantapiso'

⁸Soropapiro, Cosoi, corto hua'ano'sa', nihuiro'sa', ya'ipi huënantapisopita, inapita Siniro chinotacaso pëi niantacaiso' caniaritaantapi. Canquintapi quëran huarë' nani a'na pi'i cato yoqui nisarín. Nihuiro'sa cato shonca na'con pi'lipitopiso', hua'ano'sa pochín sacato camaitacaiso marë' acopi. ⁹Ya'ipi sacato camaitacaiso marë' isopita hua'ano'sa ya'huëpi: Cosoi corto hua'an, Catomiri, Inatato, inapita hui'ninpita, quëmpinënpita, inapita. Inapitaso' Nihui huënton isairio'saráchin.

¹⁰Yosë chinotacaso pëi simintonën acoaso!', capa cancantatona Siniro chinotopi. Corto hua'ano'sa Siniro chinotai marë' a'mopiso', a'mopi. Ina a'mosahuatona', huanipi quëran Tronpitaro'sa pihuipi. Asahua quëran

pipipisopita nihuiro'santa', hua'na shari shariro'sa pi'nipi. Napopi. Inapitaso iráca Tapi copirno camaitërinso chachin nipi. ¹¹“Yosparinquën Siniro,” itatona', Yosë cantanën cantapi: “Siniroso noya ni'ton, chinotahua'. Isairio'sanpoa nosororinpoaso', co nitiquiaponhuë',” topi. Inapoatona capa cancantopi. Capa cancantatona nonca, nonca charapi: “¡Ma noyacha Siniroso! ¡Ina catahuarinpoa ni'ton, ina chinotacaso pëi simintonën nani acoarëhua!” topi. ¹²Na'a corto hua'ano'sa', nihuiro'sa', ansianoro'sa', inapita masho masho nipisopitaso', iráca ya'huërinsona ni'pi ni'ton, sëtopi. Inaso ata'huantopirinahuë', inaquë chachin acoantarapi nicatona', chiníquën na'nëpi. Inapitaso' na'nëpirinahuë', na'con na'con capa cancantatona': “Yai, yai,” charapi. ¹³Napopi ni'ton, co natantochináchinhuë' noncaropi. Aquë quëran huarë' napopiso ya'canin.

Yosë chinotacaso pëi' a'canacaiso marë' nanan yo'ninso'

6 (Sacatápirinahuë', co'huara a'ca-yántërasoihuë' inimicoro'sari acopitërin. Napohuachina tananpito-pirinahuë', cato pënëntona'piro'sari pënënin acoantacaiso marë'. Sacatasoi inimicoro'saso': “Iso pëi nicacaso' co nanan ya'huërinhuë',” itopi. Napotopirinahuë', pëina'piro'sariso' itapona': “Nani iráca Pirsia copirno Siro itopiso nanan quëtërincoi ni'ton, pëiantarai,” itopi. Ina natanatona', Tario copirno quirica a'patopi nitotacaso marë'.)

¹Napotohuachinara, Tario copirnosopi yapiñënpita camairin: “Quiricaros'a na'con na'con nohuantërehuasopita Papironiaquë taparëhua'. Inaquë yonficonco',” itërin. ²Napotohuachina,

yonisápatona Copirno hua'anentérinso pëiquë quënanpi. Inaso pëi', Aquimita ninanoquë ya'huërin. Inaso ninano', Mitia propinciaquë ya'huërin. So'nanpi quiricaquë ninshitopinan quënanpi. Inaquë iso pochin nanan ya'huërin:

³⁻⁴“Siro copirno ya'coninso p'iquë chachin, Yosë chinotacaso pëi nica-
caiso marë' nanan yo'nin. Inaso pëi',
Quirosarinquë ya'huërin. Nani iráca
ya'huëpirinhuë' ohuatopi ni'ton, inaquë
chachin acoantacaiso ya'huërin. Inaquë
ma'sharo'sa tëpatona', Yosë chinota-
caiso marë' nisapi. Iso pochin acocaiso
camaitërin: Simintonën noya acora-
huatona', caniarichina'. Inaparinsoso',
cato shonca canchisë mitro ya'huëtarin.
Pancatërinsona', nápo chachin panca-
nachin. Cara panshin panca na'piro'sa
quëran acoina'. Naporahuaton a'na
panshina', nasha nontë quëran aco'ina'.
Ina acocaiso marë' coriqui taparahuë
quëran pahuërchina'. ⁵Iráca Napoco-
tonori Yosë chinotacaso pëi quëran,
nisha nisha ma'sharo'sa ohuarapiso'
ocoirin. Ocoirahuaton, Papironia'pa'
quëparin. Inapitanta', naquëranchin
Quirosarinquë quëpananta'ina'. Ya'huë-
rinquë chachin ya'huëantacaso marë'
inapochina', ténahuë,” ténin.

⁶⁻⁷Ina natanaton Tario copirnosos',
hua'ano'sa Iopiratisi' aquëtëran ya'huë-
pisopita quirica a'patërin. Iso pochin
aninshitahuaton a'patërin:

“Tatinai, Sitaro-posnai, canpitaso p'i
ya'coninso parti no'paquë, chirinchi
ya'conama'. A'napita chirinchiro'-
santa inaquë ya'huëpiso', yonquiato,
ya'ipinquëma ninshitaranquëma':
I'hua chachin ninshitatomaco natana-
maco: ‘¿Tëhuëchachin Siro copirno
nanan yo'nin, Yosë chinotacaso pëi
Quirosarinquë niantacaiso?’ itëra-
maco. No'tëquën mini. Napoaton

ipora canpitaso', ina pëi nisapiso-
pita ya'huincanapico'. Cotioro'sa
chirinchinëna', ansianoro'sa', piyapi-
nënapita inapitari Yosë chinotacaso
pëi nianta'ina'. Iráca ya'huërinquë
chachin acoina'. ⁸Ina marë' canpi-
tanta isopoamaso ya'huërin: Coto
ansiano'sa ina pëi nisapisopita,
canpitarinta catahuamaso ya'huërin.
Ya'huërama parti camaitërahuëso',
pahuëréarinaco. Ina coriqui ya'huërin
quëran, ma'pitamarësona nohuan-
tohuachina', a'naroáchin quëtoco'.
Ama sacatapiso tananpitacaiso
marëhuë', inapotoco'. ⁹Quirosarin
corto hua'ano'santa', ma'sona natan-
pachinquëma', sha'huitërinquëmaso
chachin ya'ipi quëtamaso ya'huërin.
Toroa'huaro'sa', carniro'ro'sa',
carniroa'huaro'sa', inapita topachina',
a'naroáchin quëtoco'. Inapitanto Yosë
inápaquë ya'huërinso chinotatona',
ya'ipi ahuiquitacaiso marë' nohuan-
topi. Trico, yamora, huino, toma',
inapitanta nani tahuëri quëtoco'.
¹⁰Inapotohuatama', Yosë inápaquë
hua'anentérinso noya chinotapi. Ina
marë' ma'sha tëparahuatona', ahui-
quitapi. Naporahuaton ca marënta',
Yosë nontapi. Hui'nahuëpita marënta',
Yosë nontapi.

¹¹Isonta', camaitërahuëso natëco':
Insosona iso camaitërahuësopita
co natëtohuachinahuë', ana'intoco'.
Pëinëinquë huica ya'huërinso pishoin-
toco'. Inapotahuatoma ahuanico'. Ina
ahuaniramaquë, inapa quëran pitaco'.
Inapotohuatama', ya'huarataton chimi-
napon. Naporahuatoma pëinëonta
ohuatoco yamora'in. ¹²Na'a ninanoro'sa
isoro'paquë ya'huërin. Napopirinhuë',
Yosëso pëinën nitacaiso marë', Qui-
rosarin ninano huayonin. Inari chachin
insosona pëinën yaata'huantërinso',

ana'inchin. Ina nitacaisonta', no'huitatona ya'copitopisopita, inapochin. Copirnorosahuè nipon, nacionosahuè nipon napohuachina', ata'huantëra'pia'in. Ca Tarioco camaitarahué ni'ton, a'naroáchin natëco, ténahuè," ténin.

Sinioro chinotacaso pëi a'canpiso'

¹³Napotohuachina, ina hua'ano'saso' copirno Tario camaitërinso chachin ya'ipi nipi. ¹⁴Inapoatona', cotio hua'ano'saso' téniaquè huarè' sacatopi. Ito hui'nin Sacariasè pënëntona'pi Sinioro nohuanton sha'huirinsò chachin nipi. Aquio pënëntona'pinta', inachachin sha'huirin. Isopita Pirsia copirnorosanta camaitopiso chachin ténipi: Siro, Tario, Artaquirquisè, inapita. ¹⁵Tario copirno ya'conin quëran huarè', a'natërápò pi'ipi, shonca a'na yoqui, cara tahuëri nisahuaso', Sinioro chinotacaso pëi nisapiso', a'canpi huachi. Ina yoquiso', atara^a yoqui itopi.

¹⁶Nani a'canpachinara, ya'ipi huënantapisopita capa cancantopi. Capa cancantatona pëi ténipiso', Yosè marè' acopi. ¹⁷Naporo tahuëri Sinioro chinotacaso marè' pasa toroa'hua, cato pasa carniro, catapini pasa carniroa'hua, inapita tëpapi. Shonca cato chiponta ya'ipi isairio'sa oshanëna marè' noyá ahuiquitopi. Shonca cato huënton ya'huëpi ni'ton, a'nara a'na huënton marè' nanirin. ¹⁸Ina quëran corto hua'ano'santa', onporosona sacatacaiso acotopi. Nihuirosanta ma'sona nicatona catahuatacaiso', acotopi. Inapoatona Sinioro marè' Quirosarinquè onpo sacatacaiso' sha'huitopi. Moisésè iráca ninshitërinso chachin nicacaso marè' inapopi.

¹⁹Ina quëran ina yoqui niantarinquè pascoa ni'ton, ina pitanta Sinioro marè' na'huëpi. Shonca catapini tahuëritahuaso', caniaritopi. ²⁰Corto hua'ano'sa', nihuirosas', inapitaso napopianachin yonquiatona nani oshanëna iniquipi. Pënëntërinso' quiricaquè camaitërinso chachin nicatona iniquipi. Napoaton ya'ipi huënantapisopita marè' ma'sharo'sa tëpapi. Inapoatona Sinioro chinotacaso marè' napopi. A'napita corto hua'ano'sa marënta tëpapi. Inahuara marënta inapopi. ²¹⁻²²Napoaton ya'ipi huënantapisopita pascoa pitaquè cosharo nipiso' ca'pi. A'napitanta nisharo'sa niponaraihuè', co noyahuè' nipiso' a'porahuatona, ca'patopi anta': "Sinioro chinotëramaso', quiyanta imasarai topachinara," ca'patopi. Canchisè tahuëri capa cancantatona pan co ahüëpocatopinanhüè ca'pi: "Sinioro catahuarinpoa ni'ton, ina chinotacaso pëi a'canëhua'. Ina nohuanton Pirsia copirno catahuarinpoa ni'ton, ténirëhua'," ta'tona capa cancantopi.

Istrasè a'napitarè chachin Quirosarinquè canqipiso'

7 ¹Hua'qui quëran a'na ya'huërè', Pirsia parti hua'anëntaantarin. Inaso', Artaquirquisè itopi. Ina hua'anëntaso', a'nara Nihui huënton quëmapi ya'huërin. Inaso', Istrasè itopi. Pa'pinso', Siriasè itopi. Inanta pa'pin Asariasè itopi. Ina pa'pionta Iriquisè. ²⁻⁵Iriquisènta pa'pin, Saromo itopi. Inanta pa'pin, Satoco. Inanta pa'pin, Aitopo. Ina pa'pionta', Amariasè. Inanta pa'pin, Asariasè. Ina pa'pionta', Mirayoto. Inanta pa'pin, Siriasè. Ina pa'pionta', Osi. Inanta pa'pin, Poqui. Ina pa'pionta', Apisoa. Ina pa'pionta', Huinisè. Inanta

^a6.15 *Atara yoqui canpoa marëso'*: Toquën yoqui itërëhua'.

pa'pin, Iriasaro. Ina pa'pionta', Aaron. Inaso', ya'nan corto hua'an ya'coninso'.⁶⁻⁹Istrasés'o, iráca pënëntërinso' quirica nóya nitotaton, a'china'pi ya'conin. Ina quiricaquë Siniro nohuanton Moisësë ninshitërin. Naporahuaton Siniorori noya catahuarin. Napoaton Artaquirquisë copirnorí ya'ipi nataninsopita catahuacaso marë' quëtërin. Inapoaton inaso', Papironia quëran Quirosarinquë huëntarin. A'na huëntona', israiro'sari imaquipi. Inapitaso' a'naquën corto hua'ano'sa'. A'naquënta', nihuiro'sa'. A'napitaso', cantana'piro'sa'. A'napi-tanta', ya'coana a'pairo'sa'. A'naquënso', Yosë chinotacaso pëiquë sacatopisopita. Artaquirquisë nani canchisë pi'ipi copirno ya'coninso nisapaso', Quirosarinquë canquipi. Ya'natiirinso yoquiquë ya'natiirinso tahuëri chachin pipipi. Napoaponaraihuë', a'natërápo yoqui nisahuaton, a'na tahuëri quëran Quirosarinquë canquipi. Siniorori catahuarin ni'ton, noya iratopi.¹⁰Istrasés'o, ya'ipi cancanën quëran Siniro pënëntërinso yanitotërin. Ina nitotahuaton, no'tëquën natëcaso yonquirin. Naporahuaton, a'napita israiro'santa a'chintochináchin cancantërin.¹¹Artaquirquisë copirnorí quirica ninshitahuaton, quëtërin. Istrasés'o' corto hua'an. Naporahuaton Yosë camaitërinso, pënëntërinso, inapita noyá nitotahuaton, israiro'sa a'chintërin. Iso pochin ninshitahuaton quëtërin:

¹²Ca Artaquirquisë copirnoco Istrasënquën nontaranquën. Quëmaso' corto hua'anquën. Naporahuaton Yosë inápaquë ya'huëaton, pënëntërinso', noyá nitotëran. Ina nitotaton a'china'pinquën ya'conan.

¹³Na'a israiro'sa hua'anëntërahuëquë ya'huëapi. Inpitasona quëmarë' Quirosarinquë pacacaiso

nohuantohuachina', pa'ina'. Corto hua'ano'sahuë nipon, nihuiro'sahuë nipon, pa'ina'.¹⁴Canchisë hua'ano'sa ayonquirinacosopita ya'huërin. Inapitarë'co chachin anoyatatoi, Quirosarinquë a'paaranquën. Onpopinsona Cota parti, Quirosarinquë, inaquëpita nisapi ni'conquë'. ¿Yosë pënëntërinso' quiricaquë naporinso chachin ta'ma nisacai? ¹⁵Canpita Yosënëma chinotëramasoso', Quirosarinquë ya'huërin. Ina marë', oro, prata, inapita caora nohuanton acorahuë. Hua'ano'sa ayonquirinacosopitanta', inapochachin acopi. Ya'ipi inapita inátotua quëpaquë'.¹⁶Ya'ipi Papironia propinciaquënta natantohuatan, quëtarinën. Corto hua'ano'sa', piyapiro'sa', inapitanta inahuara nohuanton Yosë pëinën marë' acopi. Napohuachina', inapitarë chachin ya'ipi quëpaquë'.¹⁷Ina coriquiquë toroa'huaro'sa', carniroro'sa', carniroa'huaro'sa', inapita pa'anaran. Sharo'sa no'moquën ahuiquitacaso', huinonta artaro aipi opotacaso', inapitarë chachin pa'anaran. Inapotahuaton Yosë chinotëramaso pëi artaronënuë ahuiquitoco'.¹⁸Oro, prata, inapita ya'sohuachin, ma'sona Siniro nohuantërinso nica-toma tiquico'.¹⁹Nisha nisha Yosë pëinënuë ohuaracaiso marënta quëtërainquën. Inaso', ina chinotëramaso pëiquë quëmari chachin quëtontaquë'.²⁰Yosë chinotamaso marë' ma'sona aquëtë pahuanpachin, ma'sha tapatërinacoso' pëiro'saquë ma'patëquë'.²¹Ca Artaquirquisë copirnoco camaitarahüë. Iopiratisëi' aquëtëran pi'i ya'coninso parti, na'anquëma ma'sha tapatëramacosopita ya'huërama'. Ina naponquëma chachin iso pochin camaiaranquëma'.

Corto hua'an Istrasë ma'sona natanpachinquëma', quëtoco'. Inaso', Yosë inápaquë ya'huëaton pënëntërinso', noyá nitotërin. Ina nitotaton a'china'pi ya'conin. ²²Prata natanpachinquëma', cara huaranca cara pasa quiroquë huarënta nanitërama quëtamaso'. Triconta', cato shonca cato huaranca quiroquë huarë' quëtoco'. Huinohuë nipon, tomahuë nipon topachin, cato pasa cato shonca rataquë huarë' nanitërama quëtacaso'. Yamoranta', onposo' nohuantërinso' quëtamaso ya'huërin. ²³Yosë inápaquë hua'anëntërinso pëinën marë' ma'sona nohuantohuachin, a'naroáchin quëtacaso ya'huërin. Ama maquerán tëranta hui'nahuëpita, piyapinëhuëpita, inapita inari ana'intacaso marëhuë' inapotoco'. ²⁴Naporahuaton, isonta nitotoco': Corto hua'ano'sa', nihuiro'sa', cantana'piro'sa', ya'coana a'pairo'sa', Yosë chinotacaso pëiquë sacatopisopita, inapitaso', co a'napita pahuërërinacoso pochin pahuërëtapihuë'. Apahuërëtohuatamaso', na'inarama'.

²⁵Quëmanta Istrasë Yosë yonquínahuan acorinquën. Inapotërinquën nichinapon chachin, coiséro'sa', chirinchiro'sa', inapita acoquë'. Iopiratisëi' aquëtëran pi'i ya'coninso partiquë inapoquë'. Piyapiro'sa

noya nicatona ya'huëcaiso marë' camaichina'. Yosë pënëntërinso' nitotopisopita acoquë'. Co nitotopisopitahuënta acohuatan, a'chintëquë'. ²⁶Insosona Yosë pënëntërinsohuë nipon, ca pënëntërahuësuhuë nipon, co natëhuachinahuë', tëpa'ina'. Na'in na'inpiro nipachina', inapochina'. Co onpopinchin tëhuëhuachinahuë', ya'huërin quëran ocoirahuatona', a'na no'paquë të'yachina'. Pahuërëchinahuë nipon, tashinan pëiquëchinahuë nipon, inapochina ténahuë', tënin ninshitaton.

**Yosparinquën ta'ton,
Yosë nontërinso'**

²⁷⁻²⁸Copirnorí quirica quëtohuachina, Istrasëso' Yosë nontaton tapon:

“Yosparinquën Siniro. Quëmaso Yosëinquën. Shimashonëhuëpitanta chinotërinquën. Quëma nohuanton, Pirsia copirno noya yonquirin. Quirosarinquë chinotiinënso pëi noya nica-ton, quëma marë' sacata'huaiso' catahuarincoi. Quëma nohuanton copirno nosororinco. Ina ayonquëpisopitanta', catahuarinaco. A'napita hua'ano'santa napotërinaco. Ina marë' chiníquën cancantërahuë. Inapita catahuarinaco ni'ton, chiníquën nanantopisopita israiro'sa ayontonahuë. Inapitarë'coi paca'huaiso marë' naporahuë,” itërin.